

黃州府志卷之二十五

黃州府知府英 啟纂輯

人物志

隱逸

唐

黃梅縣

李玘開元中明皇夢神自稱廬山使者請立廟廟成詔刺史獨孤正訪諸工文辭者製碑以進凡六百八十一人獨玘文稱旨詔舉博學鴻詞不就或勸之對曰世所稱詞學何如張九齡裴耀卿賢今概以李林甫罷去予安能保予之必終也竟築室東山麻林之窪讀書樂道稱衡門居士以老

黃州府志

卷之二十五

隱逸

宋

黃岡縣

王文甫博學篤行隱居不仕東坡來黃嘗因其弟子辨過從往來凡四歲及移臨汝有留別王文甫記

麻城縣

張慙子隱居九螺山自稱九螺山逸人東坡志林所云黃州故縣張慙子行止如狂者也熊吉贊云內史之慙以閑其君惟子之慙獨成其身龍德而隱今鮮其人九螺之山因子益名王翊居岐亭建桃黃庵自號桃黃山人熊吉贊云桃黃之庵中有隱君尸居蔬食抱樸含真匪道曷依匪善曷行無懷之民葛天之民

蘄州

林敏功字子仁年十六以春秋舉進士下第杜門不出者二十
年博通五經尤長於詩元符末詔徵不起賜號高隱處士弟
敏修字子來亦不仕終老以文字相友善世稱二林

吳瑛字德仁父遵路博學強記議論英偉官龍圖閣學士瑛以
廕補太廟齋郎仕至虞部員外郎告歸臨溪築室種花飲酒
超然塵俗之外嘗有盜入室覺而不言及取被乃曰他物惟
所欲夜正寒幸舍吾被後召爲吏部郎中就知蘄州皆不起

卒祀鄉賢

詳宋史
隱逸傳

廣濟縣

宋琰字子文少舉進士晚退老西郊增完舊構一觴一詠優游

黃州府志

卷之二十五

隱逸

以終元祐七年卒濟南林述祖誌其墓宣德郎陳璞書碑邑

中金石文字以此爲最

墓誌見
金石

梅國涓

縣志
作醺

字作所應春子工詩賦宋亡肥遯林石武昌程平

章薦之屢聘不起謝之以詩

詩見
集部

姚楚山明爽有智略屏跡山林日事吟詠過其廬者皆稱爲白

雲處士家卒祀鄉賢

縣志作
元人

黃梅縣

黃眉翁失其名寡嗜慾雅歌酣飲咸涓閒已百歲空谷中遇異
人授以藥謂可再周甲子果一百六十歲眉長三寸垂兩顴
故人稱眉翁

元

黃岡縣

范愷字士元博學能文性淡泊不求仕進家雖饒裕處之若寒素年九十餘終

吳應澍性惇實重義樂施歲饑設粥於路貧不能殮者助之棺置橋四十餘處井十九居民便焉湖廣平章事以聞詔徵不起御書西山二字賜之人稱西山先生後祀鄉賢子琳琛俱詳宦蹟

董敬中字仁輔大德八年爲參知政事明初隱居團湖因以自號劉基屢薦復躬往聘之竟不起

廣濟縣

何朝舉有志操師事饒魯養志巖阿不樂仕進著有文公性理

黃州府志

卷之二十五

隱逸

三

吟卒祀鄉賢

黃梅縣

汪堯舉字熙甫清介自立天厯中登進士第不受官歸隱林泉詩酒嘯詠以終

楊俊字士元初爲諸生厭之遂棄去覓石龕古礫山中優游偃仰一百三十歲卒

明

黃岡縣

吳榮一洪武初棲中和里石壁山種蔬養鶴博覽豪吟嘗荷饒廩藥以濟人弟榮三元末廩生與兄偕隱或勸之仕曰吾已食餼於元何仕爲厥後有王瓚及思裕者俱以隱德名

張岐字鳳鳴本姓周幼失怙事母孝好讀書絕意科目隱居邑西之樟松湖雅談橫經操觚至老不衰年八十八焚香端坐而逝楊慎爲銘其墓稱曰萬松處士子澤詳宦蹟墓銘見金石

樊志張原名維甫字雨同

縣志字山圖

隨父玉衡戍雷陽二十四年

及父歸卒志張哀毀幾殞遂不應鄉舉潛心易學益王遣使再聘皆不就著有易象易數易適易占諸書

袁希燮字子理文伯子年十五和李維楨宮鶯白鷺詩各十章維楨大器之已而與三袁唱和又與喻羨長錢仲舉贈答於金陵遊跡幾半天下歸隱茅山之麓結茅曰遯園以著作娛老子璜琮副榜詩文敏捷有稱

易爲鼎字用王生而有文在手曰汪號汪來子蚤以文章氣節

黃州府志

卷之二十五

隱逸

四

著明季學使高世泰修三楚文獻錄鼎與汪三奇龍墳劉醕驥皆與焉亂後棄舉子業築室白雲山授徒以老龍墳字夢先貢生官應城訓導以文名海內者三十年見文德翼雅似堂集

陳鴻恩

王志作鴻思

字大壑萬厯丁酉舉人歷官貴陽知府所至有

政聲後退居林泉手一編吟誦不輟以老

洪周祿字牛石天啓壬戌進士常州知府解綬歸里肆志詩文行草書妙絕一時急難好施鄉里德之年七十餘卒

陳師泰字交甫崇禎庚午舉人累官蘇州知府告歸隱居樂道好吟詠書法直逼大蘇家貧問字者餉以酒卽用款客談論竟日年八十餘卒

韋克濟字孝忍崇禎丁丑進士授南安知縣以誠格巨猾邑人賴之丁艱歸遂隱居武昌賢庠鄉卒諸子躬耕自給究心典籍與從弟克振以詩文自娛

李之泌字鄴仙諸生精大易宗法程朱不爲王弼京房之學絕意仕進以長桑術終其身嚴氣正性對卿士閉目袖手端坐不一語督學徵之不起與才人何履仕齊名時稱何李子孝迪孝种皆敦篤力學种善詩及書法

王一翥字子雲號補菴追舉子以父廕當得官不就嘗遊京師魏璫耳其名要爲記室一翥棄僕從閒道遁崇禎庚午舉於鄉國變後住廬山之智林村出入皆素衣某縣令者與一翥善縣有冤獄一翥入白之酬以千金掉首去不顧也歸寓郡

黃州府志

卷之二十五

隱逸

五

城之東所居村仍榜曰智林讀書其中家益貧所業益進文宗西漢詩本風騷天下蓋莫不知有王子雲者卒葬巴口之鳳山著有智林村稿

杜濬原名詔先字于皇號茶村祖若芝舉人官知縣父祝進舉人官國子助教世有隱德濬少慕張江陵之爲人慨然有用世志崇禎己卯中副榜福藩擁立考試七省貢生因南下見馬阮用事朝政不綱遂絕意進取僑寓金陵改名濬年才三十餘耳負才跡弛意氣籠罩人江南諸老或出或處爭引重焉晚住雞鳴山之右城之僻遠處也益以文章氣節自勵貧不克舉火不以干人日列故人所贈湖毫沈水香梅花片三物坐其閒陶陶然誦所爲詩古文嘗謂文體壞於范陳詩體

壞於元白又謂諸妙皆生於活諸響皆出於老作詩力追少陵燈船鼓吹百韻長歌雖以此得盛名應是別調五言律尤高渾沈雄自名一家古文亦獨闢町畦睥睨一世年七十七卒越十九年湘潭陳鵬年守江甯始爲營葬於蔣山北梅花村生平論詩極嚴於時人多所詆訶有富於財者重價購其集而焚之世傳變雅堂詩古文不及十之一二子世農字湘民世廈字柏梁世廈早夭所傳燕子磯懷古有鐵積千年石潮歸萬古痕之句者世農性孝友賦斷雁吟哭之目欲眇可謂至性過人者矣亦先濬卒世捷字武功亦工詩並見詩觀

先賢學行略參
胡紹鼎撰本傳

案喻文鰲湖北先賢學行略云于皇有偶見詩選中昔年

黃州府志

卷之二十五

隱逸

六

仲兒世廈燕子磯詩驚歎淚下之作又有捷兒從江陰歸金陵詩云今秋喪汝兄顧黃公爲湘民作斷雁吟序則云湘民哭其弟柏梁是于皇三子長世農次世廈又次世捷方望溪墓表云一子幼迷失一爲僧遠方一世濟似誤

杜芥原名紹凱字蒼略號些山明季諸生與兄濬同阻亂寓金陵志行不殊而趣各異濬峻廉隅孤特自遂遇名貴人以氣折之於眾人未嘗接言語而著述滿天下芥退然一同於眾人與人語雖兒童廝隸惟恐傷所作詩古文雖子弟不肯示自評點而已其宏肆兀冪遇阨而氣益昌家貧而學益富與濬同後濬七年而卒得年同方苞並表其墓苞與兄舟故嘗從芥受業者也著有些山集

參先賢
學行略

官撫辰字凝之應震子少穎異博學精天文兵法以選貢授桃源知縣上治河需兵議當事不能用丁母憂歸總督徐標舉爲眞保監軍又擢徐州知府皆不起及閩粵諸藩聘之慨然曰天道不可違也臣節不可變也遂祝髮於維揚名德是又號知劍道人雲游名山古剎老歸黃居維摩堂卒葬其處

萬爾昌字師二一僞子崇禎丙子舉人座主吳偉業錄其減膳撤樂表程式多士名重當時流寇亂昌之武昌謁楚藩亟言防城不如防江爲畫策不聽遂歸自是絕意仕進與兄里春弟爾昇爾景閉戶撰述相師友知府于成龍欲見之不可得遂安毛際可序其詩文以爲大節在淵明閒而詩亦得其遺意年八十四卒著有頤莊詩文集頤莊隨鈔子爲恪詳宦蹟

黃州府志

卷之二十五

隱逸

七

萬爾昇字退修爾昌弟爲諸生有聲後棄舉子業結廬武湖之濱顏其齋曰秋水岑兄弟師友一門之內雍如也共往來者自王一翥魏公韓數人外罕覩其面嘗論歷代史論互有異同得失參半著史求一書折衷羣言務求至當人爭傳誦好接引後進經指授者多成名卒年七十有四弟爾景字舒季諸生篤學尙節義亦以高隱終子燦詳文苑

曹大濩字尙白之棟子諸生生而偉異讀書厲節不求仕進善詩文工書法臨摹古帖甚富年八十餘鶴髮清癯蕭然物外士林重之子本復字剛來詩與書法亦有稱

魏澤霖字鶴山家貧嗜學讀書於湖山之一葦菴厭舉子業怡情山水少交游人多不識者從孫希聖亦能詩

王士龍字水簾工詩古文名藉甚以歲薦授潛江訓導及歸刈茅結廬遠近多請業者年八十餘卒同邑陳大章稱其逸才高節古之文獻爲序其集

汪國潑字漪公守廉孫諸生才敏瞻以詩名晚隱並阜山麓號阜山樵人魏公韓稱爲雲霄之上有其人麋鹿之羣亦有其人與王一翥萬爾昇輩同以氣節見重一時著有樂志齋稿樊維師字尙父少負逸才詩文下筆立就宏光時由附貢任淮安推官一時名士多與游後歸田結廬寒溪側吟詠以老

蕲水縣

李子賢以孝聞持身醇謹平生無媒褻語以山水自娛鄉里重之

黃州府志

卷之二十五

隱逸

八

程在霄性矜嚴好古籍謝絕賓客每呼童子挾卷隨步吟詠晚號孤山樵隱

柴大楠磊落英奇弱冠棄家遠遊塞外涉混同鴨綠諸境晚歸傍巖臨溪築一室廣不盈丈隱居四十餘年讀易老諸書足不出戶

程文遠字尙質正德時歲貢生不樂仕進嘗於林泉勝處築臺自娛有詩云泥塗風雨怯沾衣臺築荒園祇自宜竹放靈根封砌穩樹披清影下階遲湛若水題其臺曰樂壽號以訥菴贈句云天下方多巧訥菴原不知菴中人默坐兀兀到皇義畢良凱嗜古多著作以春秋名世黃士夫多宗之嘉靖閒舉明經不仕生平恥干謁邑令慕其賢每造訪焉

柴杰博學有隱德嘗坐竹林中讀書竟日於書無所不窺尤精於易與兄木友愛最篤析田廬爲四一子與三姪均每戒子云知事宜少識人毋多饘粥外有餘則去之不可以田產累子孫也

黃可久字柳溪初爲武昌諸生甘貧力學與妻偕隱臙脂山下精丹經內典醫卜諸書每瞑目默坐自號出塵道人歷游名山後歸老於湔築室泝流光之濱居之子正色詳文苑

楊伯浩字洪宇萬厯時人邃於理學辟舉不就後絕跡城市知縣杜長春游王廷皆敬禮之

麻城縣

甘望魯幼爲人牧奮志攻苦研窮程朱之學卒成名儒以黃陂

黃州府志

卷之二十五

隱逸

九

有二程子望魯臺因以自號

縣志作元人

董紹號明山以明經考選不樂仕進暇日登山臨水徜徉忘歸留心著作因家世冠裳謙謹過於石氏子樸詳宦蹟

李瑞字白岡食貧好古不慕榮利與同邑劉尙書采爲莫逆交萬厯初建縣城照糧里輸工瑞親操畚鍤往役焉劉尙書適致仕歸以老友從役特入城省之瑞役作自若不顧也

劉秉鏞號三韋萬厯乙酉舉於鄉授長史挂冠歸里築室東山研究易理足跡不入城市三十餘年善草書晚年曰暗揮灑如故

朱家亨字太宇清操不苟萬厯末詔舉賢良遺逸備詹事府用有司以家亨應不就焚香課讀以壽終

周振字若臨應嵩子萬厯己未進士值天啓朝魏忠賢用事遂不赴選歲時伏臘每樂與田夫共飲溫溫穆穆不知其爲軒

冕中人

鄭仲夔
冷賞

梅之煩字惠連國楨子博涉羣書頡頏海內名宿明末亂起棄廕襲散家財歸隱囊山爲僧別號槁木以著述自娛祀鄉賢案之煩常與三吳復社諸子主盟文壇馳聲海內國變後北行上書請葬莊烈帝歸隱囊山地極幽僻晚且祝髮披緇纈衣糲食以終其身著有春秋因是萍廬史論等書子垓克承先志

縣志

黃安縣

孟論堯字紹唐諸生博通經史與族人論性講明理學宗旨論

黃州府志

卷之二十五

隱逸

十

性字原仁幼聰穎讀書過目成誦偶倣木牛流馬遺制造小牛能自走長益好學從耿定向兄弟游淡於仕進蓬華蕭然定向貴顯無隻字通問晚年定向致仕造廬道故蔬菜糲飯歡留竟日定向歎息而去

趙文淵字海岳少有卓識嘗讀史歎曰物滿人概人滿天概今海內不見兵革久矣生齒日繁陽氣太盛殺氣殆將開乎遂偕妻陳氏預避於石門山中後果有闖獻之亂文淵著有南華新解訂訛諸書

韓勳字欽父崇禎乙亥拔貢生不屑俗學獨肆力於五經諸史明末隱居教授生徒數百人嘗謂王通以禮樂屬弟子無有受之者卒成開元遺憾作撥正諸書以寓王道年八十餘卒

孫名世詳篤行

周世鎮字元樸諸生以恩廕補太常典簿尙書葛屺瞻侍郎張元始皆器重之引疾歸鼎革後年尙少耕鑿山林深自韜晦國朝徵賢良遺逸大吏交薦復以疾辭晚年益精性理諸書優游林下以老

羅田縣

唐友義鄉薦後不上公車棲遲衡門屢辟皆辭自號多雲老叟年九十餘卒祀鄉賢

匡琳玉廩生本姓方正學先生裔孫素有大志甲申之變思陵殉社稷琳倡義勤王旣知事不可爲北向拜哭解其眾遯跡深山晚年自塑遺像至今猶存

黃州府志

卷之二十五

隱逸

十一

蘄州

袁信讀書敦禮聞義勇爲嘗以便民事陳言於朝特旨俞允錫以爲善陰隲孝順事實二書歸隱年九十八無疾而終

朱紳字懋孚平居自食其力田閒耕牧卷冊相隨憑弔古今慷慨激烈時人莫窺其際

盧楷字汝端才識過人少應童子試輒不利改就臬掾年四十以親老乞養給告身爲州祭酒隱居於鄉築園亭濠上當道數禮聘之固辭不赴年七十七卒孫紘詳儒林

陳侯周字舜生諸生父病割股以療妻死不再娶明季棄衣巾袒褐芒鞋遯於山澤以壽終

廣濟縣

胡瞳字必暉諸生少聰穎爲詩古文下筆有奇氣洪武二十五年詔秀才隨詹事府左春坊分班直文華殿侍講瞳應選赴京就職靖難兵起拂衣歸子孫三世皆不仕

柯仲立號半山孝友博學作半山書舍聚一時文士講論經義窮年不倦後移雨山號雨峯居士

程希關沈酣典籍素以古人自命搦管爲文詞頗類莊騷嘉靖辛酉舉於鄉屏跡深山力敦內行以終

劉賓號淥泉隆萬閒隱居講學與吳自守陳王道友善知縣劉允昌稱爲卓隱先生子三養微養吉養度皆以詩文名家養微詳文苑養吉詳孝友

劉秉錄字昇之事孀母孝母卒哀毀骨立年四十喪妻不復娶

黃州府志

卷之二十五

隱逸

十二

有僕久役於家聞其先爲士族焚契遣之隱居授徒以歲貢終子洪芳號芝圃亦歲貢生詩文早歲有聲嘗游吳與長洲諸名士飲酒唱酬四座傾倒孫醕驥詳文苑

徐來寵字玉吾博學善諧晚年爲隱士服芟茅赤土山下顏曰蚓可齋友至自起烹茗備雞黍其子請代輒麾去曰吾自適志耳書其楹云灑掃一室以待死破除萬事以延生

吳人玉字穉圭諸生性至孝爲文淵古浩博著述甚富絕意仕進善卜筮預知吉凶年七十自置棺題曰逸我亭

楊勳一名大勳字介子明末廩生甲申後蓄髮茹素爲道者裝與四方緇徒往來有勸其赴貢選者不答而去

黃梅縣

商顯雅好詩書永樂二年徵聘至朝固辭不仕賜號樂耕徵士翰林張和美作寒江歸隱圖題詩送之有畫圖不盡寒江意千古高風一釣舟之句

石維屏諸生結茅山中讀書砥節薦舉德行堅辭不就

汪淮宏治間兩爲社學師屢膺義辟力辭不就

王宗憲由選貢任灌陽知縣嚴正自矢不阿當路泣任八月掛冠歸脩然自得毫無愠色

程仲魯字少愚布衣高尚慕邵康節之風常乘小車出入載筆牀茶竈吟詠自適刻有東峯外稿

汪美號勉齋仲弟勳號逸齋相繼入庠皆負奇氣試輒高等食廩餼當歲薦時勳名次先美不就曰某弟也不可以先兄美

黃州府志

卷之二十五

隱逸

十三

膺薦亦不仕作見志吟名其亭曰省心季弟灼字竹菴幼不能詩中年究心內典久之不假思索輒成韻後勳子可受貴勳乃迎其兄與弟共居樂志亭年皆六七十餘更相唱和著有怡怡堂詩集可受詳宦蹟

蔣文字素公崇禎壬午舉人遭世亂不仕住烟波深處每得魚卽欣然賦詩嘗曰昔人投錢飲水吾以詩易魚亦不薄其值矣弟和詳宦蹟

余振遠字宣臣增生德器深沈明末屏跡烏鴉山下以詩酒自娛賦詩云雲山千萬疊茅屋兩三閒未了詩書債重來補聖賢著有安溪詩集

李芬字應秋諸生端謹自持荆王屢辟府屬弗就後以師禮徵

應之期年稱疾歸賜陶家圩田百畝不受晚遭流寇建砦龍頭山于五俱知名

國朝

黃岡縣

胡來通字安吾年十二有僧見之曰此人閒百歲翁也性好施與明楚撫魏光緒曾表其廬順治十七年壽百歲僉謀建坊來通力辭之忽一日沐浴更衣端坐而逝孫二珙諸生好學工詩金聲譚元春嘗序其集珠詳忠義

余師皋字迪甫諸生積學邃養多所著述明末流賊亂手錄無一存者隱居龍岡山中子世羽舉人瑞安知縣有清白聲

錢材海字會川簡默端嚴讀書城山龍泉寺歷數十年罕與外

黃州府志

卷之二十五

隱逸

十四

接通易理兼工顏柳書法孫兆清諸生能世其學著有自怡齋詩鈔

蘄水縣

詹樹字宜振能詩文工畫嘗作三峽圖黃岡王侍郎封滌寶之華亭名宿吳樊桐昌祺館浠上屬作長江圖黃鶴樓圖稱爲絕筆然性孤介聞公卿召輒匿走年八十餘卒

李根字美發工書能詩隨分自甘無求於世酷嗜竹石因以名齋詩見同聲詩選

吳振起字卿雲博極羣書性好游窮涉人跡不到之處每遇斷碑殘碣剔蘚剝苔務求源委嘗夢見宋郭君錫墓銘蔡襄筆次日尋其地悉與夢合作書室於蓮塘之上顏曰泊艇著有

梧齋詩文八卷

周起璜字玉臺癖潔性成簡於應對嗜古名畫圖書尤嗜硯嘗作百磨硯銘字法顏真卿李西臺詩類徐文長而幽峭過之居蘭谿上有宦家子知其名敦請爲師卽夜匿走

麻城縣

劉淑頤字百年幼倜儻有奇才徧游海內所如多不合歸隱於龜峯沈波草堂沈尙書德潛嘗選其詩入別裁集

梁中斗字季昂歲貢生少以李鄴侯自况數奇不遇隱居鳴山之谷口莊著有雪亭詩集

梅鳳藻字丹山少穎悟多聞爲文雄傑人皆以大器目之中年絕意進取教授生徒流連詩酒著有香雪樓詩集晚居邑北

黃州府志

卷之二十五

隱逸

十五

萬壽集之龍門河自號龍門山人

黃安縣

趙光早字爾昂好讀古書不屑爲舉子業高臥山中三十年不入城市自號蘧蘧子知府于成龍招之以疾辭著作甚多年八十餘卒

彭之夔繩祖孫諸生康熙丁酉鄉闈擬元數日卒置副車遂謝場屋授徒山中知縣張琮耳其名延之不至造其廬避不見張徘徊久之曰今泄柳也袖其所注易以去

羅田縣

蔡容遠涉獵羣書長於古文所撰誌銘贈炙人口一時藝林若張思明劉繼元胡來賓胡節張大鳴張人鵬蔡芳輩日與講

學不輟惜皆淪落不遇著述罕傳

蘄州

顧景星字赤方號黃公明選貢生曾祖闕祖大訓父天錫皆以文章氣節高自標揭景星母明孕十三月而生生之夕巨蛇蟠屋上光色熒異父夢星降於庭形如半月占曰是謂景星因以名焉三歲尚不語一日語忽述彌月及前生事甚悉歲饑有司元夕張燈家人衣以彩襦慙往觀戚然曰何不以此賑饑吾不願往六歲能詩八九歲讀經史目十行下卽著有詩文一囊稱聖童熊文燦挈張獻忠等十餘營降賊過蘄荆王止賊首飲走馬後苑縱寵姬觀之爲戲景星年十六聞之急謁知州唐世照曰熊公不得死所矣獻忠於諸賊中最黠

黃州府志

卷之二十五

隱逸

十六

不早除之有後患奈何不爲備反令此輩得窺王宮虛實耶崇禎十六年正月賊屠蘄景星與父俱被執於賊前爭代貞節姑劉死賊義之得免展轉流寓之崑山南都擁立試流寓貢生景星名第一授推官隨上敬陳四事疏詞旨剴切通政抑不上遂歸崑爲長隱計

大兵下崑山多羅貝勒命以原職隨征辭養歸里康熙十七年舉博學鴻詞以病辭

詔咨送來京入覲

保和殿再以病懇放還殿門著述顏其堂曰白茅取易無咎之義詩文恢博雄悍自詫不讓古人兼通六書之學著有白茅堂集黃公說字等書崇祀鄉賢子昌詳文苑

先賢學行略參文獻徵存錄李炳

然撰
本傳

李具慶字亞白樹初子明諸生博覽多通值獻賊陷斬全家殉難具慶被創僅乃得免鼎革後屏居湖濱絕意進取江防道呂陽延入雲門社與晏東白華二華主盟文壇殷殷以誘掖後進爲己任著有芸香草荷汀集諸書

廣濟縣

陳定中字大馬明季棄學籍隱於醫結茅於湖曲柳陰中竭力奉母以耕釣終其身

呂楚奇字正孺篤志好學守正不阿見少年猥薄者必正色讓之年四十絕意功名自號汰沃山人與鄉之能詩者結霞石盟分韻聯句自夜達旦知縣王名世以賓筵請固辭獨策杖

黃州府志

卷之二十五

隱逸

十七

山水閒與父老談世外事年八十二端坐而逝

黃綏字人長少穎秀值寇亂廬舍火故人賈任啓建牙於江西往依之歷諸帥幕府稱上客倦遊歸結茅龍坪授徒里中得錢輒治具延客酒酣賦詩或潑墨爲蘭竹書效歐陽率更體年八十卒

胡懷玉字楚瑛少喜遊俠長折節讀書不慕榮利初隱於醫復隱於酒家有大匏可注一石賣藥沽酒注匏中顏其居曰匏齋自號匏叟客至出匏飲輒醉醉輒高吟或枕匏臥臥起索筆直書自古近體以至填詞小令往往雜出蓋又隱於詩云

黃梅縣

洪樞字文宿諸生博學能文流寇陷城後歸隱湖濱或勸其應